

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Americae tertia pars, Memorabilem provinciae Brasiliae  
historiam continens**

**Staden, Hans**

**Léry, Jean de**

**Francofurti ad Moenum, 1592**

[Epistola dedicatoria]

**urn:nbn:de:bsz:31-88707**



SERENISSIMO PRINCIPI  
AC DOMINO, DOMINO  
GVILLELMO, COMITI PALATINO AD  
RHENVM, ET VTRIVSQUE BAVARIÆ  
Duci, &c. Domino suo Clementissimo.



**V**IDIT Ser<sup>ma</sup> U. C. Virginia Historiam, vidit & Flo-  
ridæ, utramque ipsius nomini consecratam; priorem  
Gallico, alteram Germanico idiomate scriptam: nunc  
tertiam adfero BRASILIAM, Latino sermone lo-  
quentem, quam non minus gratam Ser<sup>ma</sup> U. C. fu-

## Epistola dedicatoria.

turam confido, quam duæ superiores, quas adeo benigne excipere dignata est, quandoquidem illis auctior hæc est, & rerum varietate utramque aliam longe superat.

Conscripta est autem a diuersæ nationis hominibus; priore Germano, qui ante quadraginta annos in ea regione captus, multas erumnas passus est: altero Gallo, qui aliquot post annos in eandem regionem uetus, plurima incommoda, præsertim in reditu, pertulit. Virumque tamen Deus pro sua immensa benignitate è tantis periculis eripuit.

Magnum porro inter incolas istarum Regionum est discrimen, cum in cultu, tum in moribus & Religione. Nam priores verecundi magnam corporis partem tegunt, pacis amantes sunt & prouisi ad ueram Religionem (si monitorem nanciscantur) amplectendam, quandoquidem animorum immortalitatem credunt: Alii uerenda quidem tegunt, sed reliqua parte corporis nudi incedunt, uasri & uindictæ cupidi Solem adorant. Hi uero abiecto omni pudore, omnino nudi semper ambulât tam uiri quam femine, ne minima quidem uilla corporis parte tecta, & tam efferata sunt rabie, ut quotquot hostes in ipsorum potestatem ueniunt, pecudum instar mactent, atque insuper uorent: nullum præterea numen agnoscunt, præter fructum quendam iniectis lapillis crepitantem, ita a suis Sacerdotibus persuasi.

Ceterum ut nitidior in lucem prodiret hæc Historia, illam multis figuris affabre in æreas tabulas incisiss, illustraui, quas nemo æstimet quantis meis impensis, & quanto meo meorumque liberorum labore constituerint: nam singula figura multo plura continent, quam uilla superiorum. Adieci præterea Chorographiam non modo totius illius Regionis, sed etiam vicinarum Prouinciarum summa diligentia concinnatam, ut Historia plus ornamenti & lucis accedat, & Lectores tanto facilius Regionis illius situm obseruare possint.

Benigne ergo excipere dignabitur Ser<sup>ma</sup> V. C. hanc BRASILIANAM Historiam ipsius nomini consecratam, perinde atque duas superiores, & me meosque apud ipsam clementer commendatos esse patietur.

DEVS opt. max. omni felicitatis genere prosequatur Ser<sup>man</sup> V. C.  
Francofurti ad Mœnum, Kal. Martij, M D XCII.

Ser<sup>ma</sup> V. C.

humilimus cliens

THEODORVS de BRY  
Leodiensis.